

# MIRË SE VINI!

## Fillimi i kopshtit

Ndjekja rregullisht e kopshtit e ndihmon fëmijën tuaj të hedhë hapat e parë në mësimin e gjuhës frënge: **zotërimi i gjuhës frënge është absolutisht i domosdoshëm që fëmija juaj të ketë sukses në shkollë.**

Në kopsht, fëmija do të mësojë si të flasë me fëmijët e tjerë dhe me të rriturit. Ai do të mësojë të vizatojë, të këndojë, të vallëzojë, të luajë, të numërojë, të bisedojë, të krijojë... dhe të fillojë të shkruajë.

Fëmija do të fillojë të hyjë në botën e librave dhe në atë të të shkruarit, duke u përgatitur kështu për në shkollën fillore.

Gjithashtu, fëmija juaj do të mësojë si të jetojë me moshataret e tij dhe me të rriturit, si dhe të respektojë rregullat dhe rregulloret e shkollës.

Në kopsht, ju e shoqëroni fëmijën tuaj dhe mund ta kërkonti atë në oraret e përcaktuara. Shoqërimi i fëmijës për në kopsht, ju jep mundësinë të takoni prindërit e tjerë dhe mësuesit. Nëse nuk keni mundësi ta merrni fëmijën tuaj nga kopshti, një person tjetër madhor, i autorizuar me shkrim prej jush, mund të kujdeset për të.

Pushimet midis orëve mësimore/veprimtarive janë periudhat e çlodhjes për fëmijët. Ato organizohen në oborrin e kopshtit nën vëzhgimin e mësuesit. Veprimtaritë çlodhëse ndikojnë në zhvillimin fizik të fëmijës dhe mundësojnë ndërveprimin e fëmijëve me njëri-tjetrin.

Në kopsht, fëmija juaj ka mundësi të drekoi. Vaktet janë të mirëbalancuara, respektojnë udhëzimet për ushqimin dhe, sipas kërkesës së prindërve, përshtaten me traditat fetare të të ushqyerit.

Fëmija juaj mund të çlodhet pasdite në një mjedis të posaçëm në kopsht.

Ju mund të kërkonti takim me mësuesin/en e fëmijës suaj apo edhe me drejtuesin e kopshtit.

## Fëmija im rritet duke dëgjuar disa gjuhë, a është ky një problem ?

**Nuk është problem !**

- Është vërtetuar se një fëmijë mund të mësojë lehtësisht disa gjuhë pa i ngatërruar ato.
- Dy në të njëjtën kohë, dy njëra pas tjetrës, tre ose më shumë... çdo gjë është e mundur !
- Duhet thjesht të lini fëmijën të zhvillojë gjuhën me ritmin e tij, ashtu si çdo fëmijë tjetër.

## Po çfarë do të ndodhë në shkollë ?

**Mos u shqetësoni !**

- Më e rëndësishmja është që fëmija të ndjejë që të gjitha gjuhët të jenë të mirëpritura !
- Vazhdoni t'i flisni fëmijës në gjuhën tuaj, tregoni interes për gjuhën ose gjuhët e shkollës dhe për botën e re që fëmija po zbulon !
- Kur fëmija ndihet i sigurt, mësimi i gjuhëve të tjera është më i lehtë për të...ai/ajo mund të bëhet dygjuhësh apo madje dhe shumëgjuhësh !